


民国笔记小说大观（第四辑）

梵天庐丛录

（二）

● 柴小梵 著

山西古籍出版社
山西教育出版社



3242.4/

民国笔记小说大观

柴小梵 著

梵天庐从录(二)

山西古籍出版社
山西教育出版社

总顾问
顾 问

策 划
主 编
副主编
编委会

鍾敬文
来新夏
宁宗一
张凤瑞
张安塞
孙安邦
张继红
王灵善
刘幼生
赵梅生
落馥香

邓云乡

李修生

原 晋

宁志荣

张安塞

原 晋

姚奠中

陈 诏

孙安邦

张继红

常士功

(编委会人员按姓氏笔画排列)

何包主事，不爱山真爱山假。移取江山入图画，化画为灯供我要。到今遗法广流传，百巧争先奉执券。寄语看灯人，此制创自明文臣。明文臣，八股生，官工部，职在组与紃，一座江山绣大明。”读上二诗，窥豹一斑。或云，海鸥诗非所长，然即其豪迈奇崛，当以人传矣。试问从贼降清诸公诗，岂无十百倍海鸥者，为海鸥捧砚卸靴，不屑也。然则海鸥之诗，固有所以传者在矣，而工拙何论哉。

二、张煌言 山人一其，公於國朝義辭甚。焚掠下不容，梁竇光白，義賴險對奇且嘗，險双善。志大言宏从。张苍水煌言，明亡后，从监国海上，及复败，清军索之急。有诣军门者，自称曰：“吾明朝张司马也，来就死。”谈笑受戮。一时传公已死，不知实为公规脱死计也。鲁王既薨，公居海中之悬罾。悬罾峭壁千寻，莫能窥者。所居畜双猿，时缘木杪，以候动静，见船在十里之外，猿急号，公得为备，乃从中宵绕山之背。暗中猿不及觉，遂执公至会城，从容殉节死。此见骈蓀道人《杂记》。道人自谓从沈梅史《胜国传略》录出者。《胜国传略》未闻刊行，道人藏有节抄本云。呜呼！世宇沧桑之际，孤臣志士，每抱死灰复燃之心。张公之不死，岂畏死哉？固有待也。至《胜国传略》之不刊以行世者，殆以当日文网致密，士大夫一举一动，每有蹈不测险以死，此等著述，遂严藏如壁中。今者故

国光复，可无忌讳矣。此书何在？留心文献者，其有意及之。

山命墨未，函函而，墨至更奉册。画赞营囡
对主衣，附门函附附李。独未困直，件尚浩只转，争
三沈宸荃营四桌畢孰欲伐伐，人付只只囊，崇永

乡先哲沈友荪给谏宸荃，家在师桥之塘角斗。福王立南京，公疏陈五事，皆切时病，已论群臣丑正党邪，请王卧薪尝胆，为雪耻报仇计。时朝政大乱，公独謇谔持正，为要津所疾。后从鲁王泛海，遭风没死。初公未达时，居乡有大节。族子某，以诗文雄，垄断地方事，乡里苦之，然无敢撻其锋者。公以法诱胁之，转为所辱，公愤甚，得间手刃之，一乡哗然。有司繫之去，公手状某不法事。及绅衿周比状，令为色动。以详于上，敕贷死系狱。年馀，遇赦出。呜呼！吾乡近日学术衰微，士德日下，号称缙绅者，顽钝集诟，以机巧险诈相尚。苟有能干大府持公务以耀閭閻者，则群马渠率奉之，以相比而相私，安得沈公复起，以表率士类哉！

四、**张家玉** 张子无家玉，广东之东莞人，崇祯十六年癸未，年二十九，成进士，改庶吉士。国变，号哭于东华门，衣斩衰，口呼先皇帝不置。贼义之，纵之逸，遂南归。隆

武帝立于闽，授翰林院编修，兼吏户兵三科给事中，为御营赞画。俄奉使至粤，而闽陷，未覆命也。永历元年，拜兵部尚书，道阻未赴。李成栋陷广州，先生拔东莞，募兵万馀人，分为龙虎犀象四营，与程子壮、（字秋涛，一字集生，号海滨旧人。时授东阁大学士，驻兵五羊驿。后为清兵败，被执，至广州死。其太夫人亦自经死。）陈邦彦相应。清巡抚王芋与公有旧，因遗书敦劝剃发出降，略云：“杨子为我，拔一毛而利天下。不为，辄也讥之。先生何爱一毛，而不以利宗族乡党耶？”公得书，大骂曰：“老贼不死，乃敢侮孟子。”因答书责之曰：“两都继陷，三君蒙恤，王谓公为国大臣，必久已死，而尚存乎？岂不闻哭先帝于贼庭者为谁？而今欲以淫词污君子之耳哉？”芋大怒，遂会李成栋步骑万馀攻之。公三分其众，倚深溪高崖以自固。大战十日，力竭而败，围数匝，诸将议溃围出。公叹曰：“矢尽炮裂，欲战无具，将伤卒毙，欲战无人，乌用徘徊不决，以颈血溅敌人手哉！”遍拜诸将，自投野塘而死。时丁亥冬十月也，年三十有三。公诗才亢爽，于军中尝作怨愤诗百首。有云：“真同丧狗生无赖，纵比流萤死有光。”其志操亦可睹矣。同时死者：指挥安宏猷，灵璧人，战死；训导张珪，刳腹死；举人张洵、尹斌，自缢死；公之师林洵，同谋起兵者也，至是，被执不屈死。临难时，吟诗曰：“愿续当年李侍郎，遗言谢世报高皇。独怜一片精忠骨，不死沙场死法场。”噫！有死如此，若

公者，亦不愧师门矣。（此等事，里风未替其掌教。然向心主前，呈进，射十八日手切。案主闻人口于前尝五事） 吴煜，（感，日一。文迎中神于省爵又，受爵前爵手举目氏感爵又，至主闻，呈爵主前。笑激曰，文野云） 全椒吴煜，喜为诗，工乐府体。生平所著，皆集枚乘《七发》篇中字为之，即友朋书札，亦无不集《七发》者。闻国变，北向哭，取所为诗文拉杂摧烧之，断饮食五日，犹不死。其友钱熹重往视之，不纳。熹重叹曰：“吾本欲劝其知天命，今志决如此，则虽有苏、张之舌，亦难回其夙抱也。”至第六日，犹不死。煜乃自书小照成仁取义，及“生为大明人，死为大明鬼”系诗八首，扼吭而死。其诗甚哀，全椒人士有能诵之者。

六 冷湄

冷湄，字又湄，号秋江，江苏丹徒人。国变时，兄子晋（名之曦，乙酉南都亡，子晋于六月二十三日成仁，年二十五岁）以参戎守曲阿，死国难。又湄年未弱冠，痛雁行中断，作诗哭之曰：“吾兄虽弱冠，忠义古人难。喷血千秋碧，操心一寸丹。旌旗落泗水，魂梦绕金坛。痛洒包胥泪，霜飞六月寒。”后以国事日非，遁居江上，以图史诗书自娱，终身不入城府。同里张玉书之父九徵（国变后，仕清），少与又湄善，及玉书贵（官至文华殿大学士者），屡荐之，又湄终不赴。晚年，重逢甲申，春日志感。有诗云：“燕子飞来柳絮天，人间芳草尚依

然。海棠花落东风里，此事伤心六十年。”又湄无子，尝馆于门人周生家。时年已八十餘，每晨，诸生必向榻前请安，又湄皆于帐中应之。一日，忽不应，褰帷视之，已逝矣。诸生惊号，周生至，又湄忽开目举手曰：“此事累汝矣。”复瞑目而逝。卒之前，有句云：“一身江上老，存歿义熙年。”后葬丫髻山下，题曰“遗民”，从其志也。著有《江吟阁集》，未知今尚存否。其诗多感愤之作，有《寄刘令言》七律一章，沈归愚录入《清诗别裁集》。诗曰：“关河霜冷雁南游，云物凄凉属暮秋。万里飘蓬犹作客，三年戎马更登楼。艰难阮籍穷途哭，憔悴江淹去国愁。为报他山摇落尽，风尘惟有敝貂裘。”

七 赵景麟

郡人赵景麟，字天生，诸生。（《明史》作布衣，误。）为人诚恇，贫不妄取。居恒闭户读书，人罕见之。丙戌六月，江东失守，题诗案上曰：“书生不律难驱敌，何处秦庭可借兵。只有东津桥（即东津浮桥，俗呼老江桥）下水，西流直指汨罗清。”誓死不食。顾以曾借友人金未偿为愧，委曲措置得之。次日晨起，袖所作历试经义，纳衣巾于文庙，诣友人家返金。友人熟知其贫，讶其返之速，叩之。天生不答，即往城东跃入江。渔舟惊集救之，江流湍激，浮尸竟去。力追，仅得及

焉。其家故知其以冤死出，遣人踪之。及之江上，友人亦至，乃共荡其喉，扼其胸，使出水，探其袖中，纸累累。良久得苏，舁之还家，张目不语，仍不食，其家计无所出。天生故授经太白山中，与其徒徐生相得。至是，闻其事，来探视，强舆之入山，欲令食，不可。则为谬语以慰之。或曰：“李长祥克绍兴矣。”或曰：“黄斌卿奉监国来恢复矣。”或曰：“张名振奇捷矣。”或曰：“四明山寨下慈溪矣。”天生闻之，即进食。如是者半年，谬语渐穷，而天生间出山中，问樵子辈以近事。则循发示之曰：“天下大定，复何问焉。”天生大恸踣地，即不复食。至冬尽困甚，气息奄奄而逝。其友华嘿农、高隐学（华君宇泰，字无发。高君虞尊，别字隐学，曾以五君子事入狱，得救免。）私谥之曰节愍。（全谢山先生选《甬上续耆旧诗》，误天生闻闻贼之变，自沉于江，云云。而其《鲑埼亭集》有《赵节愍传纠缪》一篇，盖谢山纠缪之作。从华嘿农之《过宣言》及高隐学之《雪交亭》二集中考得之。《续耆旧传》未及修改也。近海上新刊之《甬上续耆旧诗集》并其误而佚之。注曰：赵秀才景麟，无传无诗，云云。其实该刊本由闻氏抄本印行，不知闻氏抄时，将原抄本删去十之五六，故多无传无诗，及有诗而未录其全者。并有将姓名误书，如全天授全美闲，误全为金；谢于宣，误宣为宾等，不一而足。而四十七卷李棠樵先生诗，竟删去十分之九。马隅卿先生廉，曾一一更正，且就所知者补之。至其原足本，初存湖上江氏，现藏西郊陆氏。纪天生传与诗，因注原本《续耆旧传诗钞》之误，且以告该刊《续耆旧传诗钞》者。而西郊陆氏所藏

之原足本，则亟宜付刊，一旦如有毁佚，非特谢山之真面目不可见，而吾郡文献，将有一部不足征矣。）其辞甚切，至衣人其，身不即，吾不目迷，余亟之畏，花野人自。累累八用梁以樟其已，中山白太登登站坐天。出视天书案。何不，身令裕，山人之夷器，则来，其国，虽至。曰梁以樟，字公狄，一字储生，别号葭湖鹑史，学者称为鹑林先生。直隶之清苑人也，居大兴，鄚抚都御史梦泽次子。崇祯十三年庚辰进士，授河南太康令。次年，调商丘。时闯李犯开封，所过糜烂。商丘闻贼逼境，咸惶惧。公狄按行城堡，修守御，拓戍逻，凡渠答藺石炮弩之属无不具。数单骑走风雪中，拊循士卒。夫人张氏，四川布政国锐女也，生有至性，识大义。至是，窥公狄惫，辄废食泣下，慰劳兼至。当是时，朝廷屡诏督抚杀贼，而督抚及诸将畏贼不敢战，倡议招抚。廷臣又各持门户，封疆益壤。郡县守吏多儒生，不习兵事，闻风则弃城逃匿，甚则奉印绶以降。公狄愤甚，语夫人曰：“吾为天子命吏，誓必灭贼，与城存亡。”夫人曰：“诺。”第目公狄佩刀，各奋衣而起。十五年壬午春二月，贼众数十万攻商丘，公狄与邑举人徐作霖、吴伯裔、伯胤守御攻围。一夕，公狄胄而进，拜辞其父中议公，与夫人诀曰：“城且陷。倘陷，我必死，知汝亦必死。”左右皆掩面泣，夫人亦泣，指所居楼示公狄曰：“尸我于是。”命老仆杨材积薪环其楼，且告曰：“若城朝以陷，则火朝以举，夕陷，夕以

举，毋迟我死。”公狄胄而出，呼守陴者发炮石，颇击杀城外贼。贼稍却，夫人倾橐装，市牛酒以资军赏。垂七日夜，贼攻益急，仰射城上人，人颇死，鼓音四面不止，相惊以贼至。人马蹢蹢绕城走。会知府某与贼通，贼以二十七日攀堞入。作霖、伯裔、伯胤死之，公狄被贼刃仆地。（《甬上耆旧续传》作自刎者，误。）夫人闻之，驱婢媵登楼曰：“我夫死矣，若得从我死，毋苟活。”遂衣平时白衣，系环于梁，将自缢，呼杨材举火，材哭，不忍发，夫人厉声叱曰：“汝忘尔主诀别时而背之耶！贼至，等死，毋延，使我不速死，汝罪莫赎矣。”材伏哭，叩头举火，夫人死。从者三十六人，其慷慨赴义如此。一子燮，才九岁，随夫人登楼，火炽，哀号焰中，老嫗急掖之曰：“主人惟此郎，幸得脱归，以后梁氏。”从楼上推坠儿，仆王政负儿逃。是夕，邑民求公狄于乱尸中，救之，越三日，苏。以失事下狱，对簿中，创痕斑斑如雪。甲申，南走至淮，史阁部可法疏题职方郎中，赞画军事，以金陵方略并防淮刍议上庙堂，不报，即史公亦是之，而不用也。公狄见四镇跋扈，遂弃官隐，讲学于葭湖，从者甚众，如王洁、王源兄弟，皆出其门。兄以楠，字仲木，明经，倜傥有经世才。兄弟互相师友，偕隐湖上，力耕葭湖之田以自给。丁亥，仲木来吾郡，与诸豪杰游，归谓公狄曰：“甬上多志士，可往从焉。”公狄乃以庚寅至鄞，大喜。与高氏兄弟（斗权辰四、斗魁旦中）、万泰履安（晚号悔

庵)、周凤垣掖青(一字霜皋)、沈士颖喆先(一字心友)、董守愉次公、李邴嗣杲堂及林氏兄弟(时跃霞举,号荔堂,时对兰庵)相往还唱和。辛卯九月二日中夜,坐高氏斋中,盼滫洲水战信,侵晓报至,各恸哭,绝而复苏。公狄居鄞首尾三年,以癸巳还葭湖。又二年,仲木复来寻盟,其后竟相继卒。梁氏亲党,在清初皆官华要,累书招致,公狄卒不动其心,其气节亦可想见。而夫人殉难后,缟衣尝形见,商丘人建祠于归德府城西南隅以祀之。董次公、李杲堂、葛同果各有挽诗,附记于后。

题李梁孺人商丘死节传后

董守愉(字次公,学者称为长啸先生,鄞人,天启甲子举人,鲁王监国,官户部贵州司主事。王航海,次公杜门著书,甲辰卒,年六十九。有《读易》一钞、二钞,《卦变考略》、《易韵补遗》、《春秋简秀集》、《董户部集》。)

举世皆女子,天下何由亡。洒血征遗事,独负我烈皇。雌蜺不可日,乳虎悉迷阳。城池失是非,仕宦若贾商。其臣再嫁莫言耻,相戒断不死封疆。岂知冰霜姿,发愤在闺房。烈烈梁氏妇,佐令官大梁。出兵守城与夫诀,卒闻城圯先夫丧。衍姬之手不汗粉,何待决绝全商量。危楼高赤甲一炬,已与日月争光芒。即今萧萧风雨夜,犹有玉骨徘徊于其下。我曾痛读逊国文,通洛桥边石有痕。云是黄观之妻翁为姓,池口人呕血成影历秋春。仿佛夫人得其真,我明又有花将军。却死抱死身系孙,变生赵姬绝相似。王政或是雷老之后身,例得偕书贞信史。吾将铁笔四千钧,吁嗟乎!梁子若死焉得闻。

編衣夫人歌

李邕嗣（原名文胤，以字行，又字森亭，学者称为杲堂先生。鄞诸生，降臣谢三宾罗织遗绅。杲堂曾两次入狱，卒以救免。乃日以著书为务，甬东诗社，延定甲乙，糊名易书，一联之赏，远近喧传。诗品刊落凡庸，不肯一语犹人。庚申卒，年已五十有九。有《笑读斋集》，又辑《甬上耆旧诗》。）

夫人张氏，梁公狄先生配也。死难事甚奇，先生使余辈赋之。因其著縞衣自焚，后能形见，作《縞衣夫人歌》：

高风飒飒动青楸，客子谁过芒碭游。

投环遗命疾举槁，阖门忠烈吐郁攸。
公歿不死八日瘳，香骸鬼护尚可求。
至今风雨频啾啾，土人祠下酹浆饒。
客闻语毕泪若浏，自传贼起二十秋。

大河南北无尺喙，文臣误国等俳优。

将军十万弃儿擎，全躯保室真良筹。
贞心谁与夫人侔，一觞立起酹浊醪。
古传所扬有此不。

北平梁公狄同年，客游四明，制芰纫兰，束然同子真之隐。及谈畴昔颜色殉难事，相对欷歔，不禁忠愤勃发矣。因出张孺人行述示予，予叹服义烈，作长歌挽之。

葛世振（字仞上，号同果，鄞人。崇禎庚辰，廷试一甲第二名，授编修，充日讲，以省亲假归。甲申后，结庐光溪之滨，杜门不出，自称曰“寒铁道”人，私谥文节，著述汗牛焉。）

读史抗怀综奇烈，濡毫快染英雄血。

睢水泔泔不竭澌，张许忠风星汉揭。

有心男子耿耿贤，国中大义尤夔绝。

灏气磅礴挺坤贞，松成铁兮筠成雪。

懋襄治邑莅岩疆，槐枪在见逼虎狼。

婴城誓守夫子志，臣泣亦泣性凝霜。

白襦曜袷为表洁，不恋绣带系明珰。

同心血洒戎轩纛，偕君患难谊无忘。

雀鼠食尽鼓声靡，孤臣力竭身先毁。

南面再拜酬国恩，相从地下吾分耳。

巫山焰发玉芝焚，光霁青霄烟花紫。

二十餘魂并作焱，白日沉霾色不起。

呜呼！臣尽忠兮妻尽义，宝刀折兮香泪坠。

中牟路前尘满飞，留取丹心照金弭。

我昔闻变在燕都，谏辞抗楚酒酹地。

粉黛之中钟全人，名谋彤管有何愧。

梁君矢死气凌旻，天扶未丧无终沦。

商民瘞骨同戴父，救苏残喘报其仁。

今日芒鞋傲湖海，血痕渍处目几瞋。

相逢繚泪涕如雨，剑芒欲碎视此身。

暗窆兰帷破镜求，杜宇声中霜镜秋。

深夜梅花怜素影，芳魂梦绕碧山幽。

君不见吾乡六忠庙貌焕红日，睢阳旌旆尚仿佛。

况乃簪佩蔚奇珍，贞珉永丽汴水流。

九 王翊

王翊，余姚人，字完勋，诸生。幼有大志，日课《三礼》六十行，《春秋》四十行，各诵三十遍，不熟不止。好驰马剑槊，居恒衣短后衣，与田夫野老杂处，望之恂恂，而实强毅有智略。国变时，恸哭于路，为烈皇帝位供诸堂，日夕哭临，人目为义士。鲁王监国绍兴，以兵部主事征。浙东溃，完勋毁家集余姚、慈溪两邑义士千五百人，结寨于四明山，时出袭击，斩获甚多。与邑人冯京第再破上虞，遂号大兰洞主。治军收赋，设官分职，井然有序。浙东各山寨四起应之，与清兵相持，鲁王以为兵部侍郎。兵败，避入海。旋又入内地招募，图再举。被执，不屈死。有《王烈愍集》二卷。

一〇 陈邦彦

陈邦彦，字会份，一字令斌，广东顺德人。少以文行负重名，居县北之锦岩，学者数千人，称岩野先生。年四十，所试不售。甲申之变，走南京，上《中兴政要书》三十二策，万七千言。（清潘锡恩芸阁辑《乾坤正气集》计百有一家，有公之集三卷。）书既上，不报。弘光登极，诏试诸生，公年已四十有二，领恩荐。次年乙酉，登贤书。隆武二年丙戌，迁兵部职方司主事。苏观生立唐王，改元绍武，授公兵科给事中，公不拜，变姓名入高明山。俄而李成栋、佟养甲袭广州，唐王及苏观生死之。丁亥九月，公之南海之九江村，适陈公子壮奉母遁迹于此，相见大恸，因合谋起兵，（按公系弘光时孝廉，他书言其以诸生起兵，误也。全谢山《鮑埼亭外编》四十七卷十六叶，有答弟子问曰，陈邦彦，孝廉也，得之。）屡败清师。养甲患之，以轻兵袭公家，执妾何氏及二子和尹虞尹，令作书招公。公判其书曰：“妾可辱，子可杀，身死朝廷，义不私妻子也。”养甲怒，杀其妾与子。公走三水，道经清远，指挥白常燦反正，以城奉迎，遂入清远，与门人朱学熙婴城固守。九月，清远破，白死之。公率死士巷战，自晓及午，首被三刃，左右死伤略尽，走朱氏园中，见学熙自缢，拜而哭之，题诗于壁，赴池中。清骑适至，引公出，曰：“我陈兵科